



Cuira, ils 14 da november 2022

Communicaziun a las medias

→ *Kurzfassung auf Deutsch: Siehe unten.*

Segirà la gestiun ad interim a partir dal 2023

La suprastanza da la Lia Rumantscha sut il copresidi dad *Urezza Famos* e *Gianna Luzio* ha reglà la gestiun suenter la demissiun dal secretari general *Diego Deplazes*. La suprastanza ha numnà *Andreas Gabriel* sco secretari general ad interim a partir dal 1. da schaner 2023. Plinavant ha la suprastanza decis l'andament per occupar la piazza vacanta da la secretaria generala resp. dal secretari general.

En sia seduta dals 10 da november 2022 è la suprastanza da la Lia Rumantscha s'occupada da la dumonda co segirar la gestiun operativa suenter ch'il secretari general *Diego Deplazes* aveva inoltrà sia demissiun. L'october aveva *Diego Deplazes* annunzià ch'el remettia ses post en vista a sia elecziun sco mainafatschenta da la *Crusch Cotschna Svizra* dal chantun *Grischun*. La suprastanza deplorescha che *Diego Deplazes* banduna la Lia Rumantscha ed al engrazia per ses grond engaschi a favur da l'organisaziun. El terminescha ses uffizi la fin dal 2022.

Decis l'andament per occupar la piazza

La piazza da la secretaria generala resp. dal secretari general vegn publicada las proximas emnas. La suprastanza ha decis l'andament per la selecziun da las candidaturas ed elavura actualmain en detagl il profil per la nova direcziun operativa. La secretaria generala resp. il secretari general porta la responsabladad per la gestiun operativa da l'organisaziun cun actualmain 21 collavuraturas e collavuratur en var 15 plazzas cumplainas a la sedia principala a Cuira ed en ils biros regionalis. In'incumbensa impurtanta da la nova direcziun operativa vegn plinavant ad esser l'ulteriur svilup da l'organisaziun en vista a las sfidas futuras, tranter auter en connex cun la transfurmaziun digitala.

Segirà la gestiun ad interim

En vista al fatg ch'il post da la secretaria generala resp. dal secretari general vegn a restar vacant plirs mais ha la suprastanza numnà *Andreas Gabriel* sco secretari general ad interim. El è il substitut dal secretari general ed actualmain responsabel per la represchentanza dals interess ed ils affars publics. Ensemen cun la direcziun vegn *Andreas Gabriel* a segirar la gestiun operativa enfin ch'ina nova secretaria generala u in nov secretari general entra en uffizi.



Medienmitteilung (Kurzfassung)

Interimistische Geschäftsleitung ernannt

Der Vorstand der Lia Rumantscha unter dem Co-Präsidium von *Urezza Famos* und *Gianna Luzio* hat eine interimistische Geschäftsleitung ab Januar 2023 ernannt, nachdem Generalsekretär *Diego Deplazes* im Oktober seinen Rücktritt bekanntgegeben hatte. Deplazes wird eine neue Stelle als Geschäftsführer des Schweizerischen Roten Kreuzes Graubünden antreten. Der Vorstand hat dem stellvertretenden Generalsekretär *Andreas Gabriel* die interimistische Leitung der Lia Rumantscha ab Januar 2023 übertragen. Zusammen mit der Geschäftsleitung wird er die operativen Geschäfte der Sprachorganisation bis zum Stellenantritt einer neuen Generalsekretärin bzw. eines neuen Generalsekretärs leiten. Die Ausschreibung für die Neubesetzung der Stelle erfolgt in den nächsten Wochen.